

東坡禪喜集  
坤

528  
2





528  
2



新刻東坡禪喜集卷之六  
書諸經後第六

○書孫元忠所書華嚴經後

余聞世間凡富貴人及諸天龍鬼神具大威力者脩  
無上道難造種種福業易所發菩提心旋發旋忘  
如飽滿人厭棄飲食所作福業舉意便成如一滴  
水流入世間即為江河是故佛說此等真可畏怖  
一念差失萬劫墮壞一切龍服地行天飛佛在依  
佛佛滅依僧皆以是故維鎮陽平山子龍靈變莫  
測常依覺實二大比丘有大檀越孫溫靖公實能

東坡禪喜

卷之六



致龍與相賓友曰雨日霽惟公所欲公之與此二  
大比丘及此二龍必同事佛皆受佛記故能于未  
來世各以願力而作佛事觀公奏疏本欲爲龍作  
廟又恐血食與龍增業故止乞度僧以奉祠宇公  
之愛龍如愛其身祇令作福不令造業若推此心  
以及世間待物如我待我如物予知此人與物無  
二覺既圓寂公亦棄世其子元忠爲公親書華嚴  
經八十卷累萬字無有一點一畫見怠墮相人能  
攝心一念專靜便有無量應感而元忠此心盡八  
十卷終始若一予知諸佛悉已見聞若以此經置

此山中則公與一士若龍在在處處皆當相見其  
度衆生無有窮盡而元忠與予亦當與焉

○書若達所書經後

懷楚比丘示我若達所書一經經爲幾品品爲幾偈  
偈爲幾句句爲幾字字爲幾畫其數無量而此字  
畫平等若一無有高下輕重大小云何能一以忘  
我故若不忘我一畫之中已現一相而況多畫如  
海上沙是誰磋磨自然勻平無有麤細如空中雨  
是誰揮灑自然瀟散無有疎密吞爾楚達若能一  
念了是法門于刹那頃轉八十藏無有忘失一句



一偈東坡居士說是法已復還其經

○書金光明經後

軾之幼子過其母同安郡君王氏諱閔之字季章享年四十有六以元祐八年八月一日卒于京師殯于城西慧濟院過未免哭而從軾遷于惠州日以遠太其母之殯爲恨也念將祥除無以申罔極之痛故親書金光明經四卷手自裝治送虔州崇慶禪院新經藏中欲以資其母之往生也泣而言於軾曰書經之勞微矣不足以望豐報要當口誦而心通手書而身履之乃能感通佛祖并濟神明而小

子愚冥不知此經皆真實語也抑寓言也當云何見云何行軾曰善哉問也吾嘗聞張文定公安道曰佛乘無大小言亦非虛實顧我所見如何耳萬法一致也我若有見寓言卽是實語若無所見實寓皆非故楞嚴經云若一衆生未成佛終不于此取涅槃若諸菩薩急于度人不急于成佛盡三界衆生皆成佛已我乃涅槃若諸菩薩覺知此身無始以來皆衆生相冤親拒受內外障護卽卵生相壞彼成此損入益已卽胎生相愛染雷連附記有無卽濕生相一切幻變爲已主宰卽化生相此四



衆生相者與我流轉不覺不知勤苦修行幻力成就則此四相仗我諸根爲涅槃相以此成佛無有是處此二菩薩皆是正見乃知佛語非寓非實今汝若能爲流水長者以太願力象取無礙法水以救汝流浪渴涸之魚又能觀諸世間雖甚可愛而虛幻無實終非我有者汝卽捨離如薩埵王子捨身雖甚可惡而業所驅迫深可憐憫者汝卽布施如薩埵王子施虎行此捨施如飢就食如渴求飲則道可得佛可成母可板也過再拜稽首願書其末紹聖二年八月一日

○書楞伽經後

楞伽阿跋多羅審經先佛所說微妙第一真實了義故謂之佛語心品祖師達摩以付二祖曰吾觀震且所有經教惟楞伽四卷可以印心祖祖相受以爲心法如醫之有難經句句皆理字字皆法後世達者神而明之如槃走珠如珠走槃無不可者若出新意而棄舊學以爲無用非愚無智則在而已近歲學者各宗其師務從簡便得一句一偈自謂了証至使婦人孺子拍掌喜笑爭譚禪悅高者爲名下者爲利餘波未流無所不至而佛法微矣譬



如俚俗醫師不由經論直授方藥以之療病非不  
或中至于遇病輒應懸斷外生則與知經學古者  
不可同日語矣世人徒見其有一至之功或捷于  
古人因謂難經不學而可豈不悞哉楞伽義趣幽  
渺文字簡古讀者或不能句而況遺文以得義忘  
義以了心者乎此其所以寂寥于世幾廢而僅存  
也太子太保樂全先生張公安道以廣大心得清  
淨覺慶曆中嘗爲滁州至一僧舍偶見此經入手  
悅然如獲舊物開卷未終夙障冰解細視筆畫手  
迹宛然悲喜太息從是悟入常以經首四偈發明

心要軾游於公之門三十年矣今年二月過南都  
見公於私第公時年七十九幻滅都盡慧光渾圓  
而軾亦老於憂患百念灰冷公以爲可教者乃授  
此經且以錢三十萬使印施于江淮間而金山長  
老佛印大師了元曰印施有盡若書而刻之則無  
盡軾乃爲書之而元使其侍者曉機走錢塘求善  
工刻之板遂以爲金山常住元豐八年九月日朝  
奉卽新差知登州軍州兼管內勸農事騎都尉借  
緋蘇軾書

○金剛經跋尾



聞昔有人受持諸經攝心專妙常以手指作捉筆狀於虛空中寫諸經法是人太後此寫經處自然嚴淨雨不能濕凡見聞者孰不贊歎此希有事有一比丘獨拊掌言惜此藏經止有半藏乃知此法有一念在即爲塵勞而況可以聲求色見今此長者譚君文初以念親故示入諸相取黃金屑書金剛經以四句偈悟入本心灌流諸根六塵清淨方此之時不見有經而況其字字不可見何者爲金我觀譚君孝慈忠信內行純備以是衆善莊嚴此經色相之外炳然煥發諸世間眼不具正見使此經

法缺陷不全是故我說應如是見東坡居士說是法已復還其經

○書柳子厚大鑒禪師碑後

釋迦以文教其譯於中國必託於儒之能言者然後傳遠故大乘諸經至楞嚴則委曲精盡勝妙獨出者以房融筆授故也柳子厚南還始究佛法作曹谿南嶽諸碑妙絕古今而南華今無刻石者長老重辯師儒釋兼通道學純備以謂自唐至今頌述祖師者多矣未有通亮簡正如子厚者蓋推本其言與子孟軻氏合其可不使學者晝見而夜誦之故



具石請予書其文唐史元和中馬總自虔州刺史  
遷安南都護徙桂管經畧觀察使入爲刑部侍郎  
今以碑考之蓋自安南遷南海非桂管也韓退之  
祭馬公文亦云自交州抗節番禺曹谿謚號決非  
桂帥所當請以是知唐史之誤當以碑爲正紹聖  
二年六月九日

○書正信和尚塔銘後

太安楊氏世出名僧正信表公兄弟三人其一曰仁  
慶故眉僧正其一曰元俊故極樂院主今大安治  
平院也皆有高行而表公行解超然晚以靜覺二

人皆與吾先大父職方公吾先君中大夫遊相善  
也熙寧初軾以服除將入朝表公適臥病入室告  
別霜髮寸餘目光瞭然骨盡出如畫須菩提像可  
畏也軾盤桓不忍去表曰行矣何處不相見軾曰  
公能不遠千里相從乎表曰佛言生正信家千里  
從公無不可者然吾蓋未也已而果無恙至六年  
乃寂是歲軾在錢塘夢表若告別者又十五年其  
徒法用以其所作偈頌及塔記相示乃書其末  
○書黃魯直李氏傳後

無所厭離何從出世無所欣慕何從入道欣慕之至



亾子見父厭離之極，辱鷄出湯，不極不至，心地不淨，如飯中沙，與飯皆熟，若不舍糊，與飯俱熟，即須吐出，與沙俱棄。善哉佛子，作清淨飯，淨米太沙，終不能盡，不如即用本所自種，元無沙米，此米無沙，亦不受沙，非不受也，無受處故。

新刻東坡禪喜集卷之六終

新刻東坡禪喜集卷之七

序傳文疏書第七

○送錢塘僧思聰歸孤山敘

天以一生水地以六成之，一六合而水可見，雖有神禹不能知其孰爲一，孰爲六也。子思子曰：自誠明謂之性，自明誠謂之教，誠則明矣，明則誠矣。誠明合而道可見，雖有黃帝孔丘不能知其孰爲誠，孰爲明也。佛者曰戒生定，定生慧，慧獨不生定乎？佗玄有言：慧則通通則流，是焉知真慧哉？醉而狂醒而止，慧之生定通之不流也，審矣。故夫有目而自



行則褰裳疾走常得大通無目而隨人則車輪曳  
踵常仆坑窞慧之生定速于定之生慧也錢塘僧  
思聰七歲善彈琴十一捨琴而學書書既工十五  
捨書而學詩詩有奇語遂讀華嚴經入法界海慧  
今年二十有九老師宿儒皆愛敬之秦少游取楞  
嚴觀世音語字之曰聞復使聰日進而不已自聞  
思脩以至于道則華嚴法界海慧盡爲遮廬而沉  
書詩與琴乎雖其苦之學道無自虛空入者輪扁  
斲輪偃僕承蜩苟有以之具巧智物無陋者聰若  
得道琴與書皆與有力詩其尤也聰能如水鏡以

一合萬則書與詩當益奇吾將觀焉以爲聰得道  
淺淡之候

○僧圓澤傳

洛師慧林寺故光祿卿李澄居第祿山陷東都澄以  
居守从之子源少時以貴游子豪侈善歌聞于時  
及澄歿悲憤自誓不仕不娶不食肉居寺中五十  
餘年寺有僧圓澤富而知音源與之游甚密促膝  
交語竟日人莫能測一日相約游蜀青城蛾眉山  
源欲自荆州泝峽澤欲取長安斜谷路源不可曰  
吾已絕世事豈可復道京師哉澤默然久之曰行



東坡志林 卷七  
止固不由人遂自荊州路舟次南浦見婦人錦襦負嬰而汲者澤望而泣曰吾不欲由此者爲是也源驚問之澤曰婦人姓王氏吾當爲之子孕二歲矣吾不來故不得乳今既見無可逃者公當以符呪助我速生三日浴兒時願公臨我以笑爲信後十三年中秋月夜杭州天竺寺外當與公相見源悲悔而爲其沐浴易服至暮澤凶而婦乳三日往視之兒見源果笑具以語王氏出家財葬澤山下源遂不果行反寺中問其徒則既有治命矣後十二年自洛適吳赴其約至所約聞葛洪川畔有牧

童扣角而歌之曰三生石上舊精魂賞月吟風不要論慚愧情人遠相訪此身雖異性長存呼問澤公健否答曰李公真信士然俗緣未盡慎勿相近惟勤脩不墮乃復相見又歌曰身前身後事茫茫欲話因緣恐斷腸吳越山川尋已徧卻回烟棹上瞿塘遂公不知所之後二年李德裕奏源忠臣子篤孝拜諫議大夫不就竟歿寺中年八十

○南華長老重辯逸事

契嵩禪師常瞋人未嘗見其笑海月慧辯師常喜人未嘗見其怒予在錢塘親見一人皆趺坐而化嵩



既茶毘火不能壞益薪熾火有終不壞者五海月  
比葬面如生且微笑乃知一人以瞋喜作佛事也  
世人視身如金玉不旋踵爲糞土至人反是余以  
是知一切法以愛故壞以捨故常在豈不然哉予  
遷嶺南始識南華重辯長老語終日知其有道也  
予自海南還則辯已寂久矣過南華弔其衆問塔  
墓所在衆曰我師昔作壽塔南華之東數里有不  
悅師者葬之別墓既七百餘日矣今長老明公獨  
奮不顧發而歸之壽塔改棺易衣舉體如生衣皆  
鮮芳衆乃大服東坡居士曰辯視身爲何物棄之

尸陀林以飼鳥鳥何有安以壽塔爲明公知辯者  
特欲以化服同異而已乃以茗果奠其塔而書其  
事以遺其上足南華塔主可與師時元符三年十  
二月十九日

○祭龍井辯才文

嗚呼孔老異門儒釋分宮又于其間禪律相攻我見  
大海有北南東江河雖殊其至則同雖大法師自  
戒定通律無持破垢淨皆空講無辯訥事理皆融  
如不動山如常撞鐘如一月水如萬竅風八十一  
年生雖有終遇物而應施則無窮我初適吳嘗見



龍井  
一作井龍

五公講有辯臻禪有璉嵩後二十年獨餘此翁今  
又往矣後生誰宗道俗歛歛山澤改容誰持一盃  
往弟龍井我公杭時白交黃童要我復來已許于  
中山無此老公將安從噫參寥子往莫必躬豈無  
他人莫寫我胸

○捨銅龜子文

蘇州報恩寺重造古塔諸公皆捨所藏舍利予無舍  
利可捨獨捨盛舍利者敬為四恩二有捨之故人  
王順為武功宰長安有脩古塔者發舊葬得之以  
遺余余以藏私印成壞者有形之所不免而以藏

舍利則可以久存藏私印或以速壞貴舍利而賤  
私印樂久存而悲速壞物豈有是哉余其并是捨  
之

○請淨慈法涌禪師入都疏

京師禪學之盛發于本秀二公本既還山秀復入寂  
駙馬都尉張君子來聘法涌繼揚宗風東坡居士  
適在錢塘實為敦勸太丘道廣廣則難周仲舉性  
峻峻則少通法涌童子畫沙已具佛智維摩無語  
猶涉二門雖吾先師不異是說質之孔子蓋有成  
言不為穿窬仁義不可勝用博施濟眾堯舜其猶



痛諸我願法涌廣大慈悲印宗仁得仁之侶深嚴峻峙詞未証謂証之人本自不然伏惟珍重

○重請戒長老住石塔疏

大士未曾說法誰作金毛之聲衆生各自開堂何關石塔之事太無作相住亦隨緣長老戒公開不二門施無盡藏念西湖之久別本是偶然爲東坡而少留無不可者一時作禮重聽白椎渡口船回依舊雲山之邑秋來雨過一新鐘鼓之音

○怪石供

禹貢青州有鉛松怪石解者曰怪石石似玉者今齊

安江上往往得美石與玉無辨多紅黃白色其文如人指上螺精明可愛雖巧者以意繪畫有不能及豈古所謂怪石者耶凡物之醜好生于相形吾未知其果安在也使世間石皆若此則今之凡石覆爲怪矣海外有形語之國口不能言而相喻以形其以形語也捷于口使吾爲之不已難乎故夫天機之動忽焉而成而人真以爲巧也雖然自禹以來怪之矣齊安小兒浴于江時有得之者戲以餅餌易之既久得二百九十有八枚大者兼寸小者如棗菱茨其一如虎豹有口鼻眼處以爲羣石



之長又得古銅盆一枚以盛石挹水注之粲然而  
廬山歸宗佛印禪師適有使至遂以爲供禪師嘗  
以道眼觀一切世間混淪空洞了無一物雖夜光  
尺璧與瓦礫等而況此石雖然願受此供灌以墨  
池水強爲一噴使自今已往山僧野人欲供禪師  
而力不能辦衣服飲食臥具者皆得以淨水注石  
爲供蓋自蘇子瞻始

○後怪石供

蘇子旣以怪石供佛印佛印以言刻諸石蘇子聞而  
笑曰是安所從來哉予以餅易諸小兒者也以可

食易無用予旣足笑矣彼又從而刻之今以餅供  
佛印佛印必不刻也石與餅何異參寥子曰然供  
者幻也受者亦幻也刻其言者亦幻也夫幻何適  
而不可舉手而示蘇子曰拱此而揖人人莫不喜  
戟此而置人人莫不怨同是手也而喜怒異世未  
有非之者也子誠知拱戟之皆幻則喜雖存而根  
凶刻與不刻無不可者蘇子大笑曰子欲之耶乃  
亦以供之凡二百五十并一石盤云

○答范蜀公書

承別紙示諭翹葉有毒平地生出醉鄉土偶作祟眼



東坡雜書 卷七  
前安見佛國公欲哀而救之問所以救者小子何人固不敢妄對公方立仁義以爲城池操詩書以爲干楯則舟中之人盡爲敵國雖公盛德小子亦未知勝負所在願公宴坐靜室常作是念當觀彼能惑之性安所從生又觀公欲救之心作何形段此猶不立彼復何依雖黃面瞿曇亦須歛衽而況學之者耶聊復信筆以發公千里一笑而已

○答畢仲舉書

所云讀佛書及合藥救人一事以爲閑居之賜甚厚佛書舊亦嘗看但闇塞不能通其妙獨時取其麤

淺假說以自洗濯若農夫之太艸旋太旋生雖若無益然終愈于不耘也若世之君子所謂超然玄悟者僕不識也往時陳述古好論禪自以爲至矣而鄙僕所言爲淺陋僕嘗語述古公之所談譬之飲食龍肉也而僕之所學猪肉也猪之與龍則有間矣然公終日說龍肉不知僕之食猪也實美而眞飽也不知君所行於佛書者果何耶爲出生死超三乘遂作佛乎抑尚與僕輩俯仰也學佛老者本期于靜而達靜似懶達似放學者或未至其所以期而先得其所以不爲無害僕常以此自疑故亦



東坡禪喜 卷八  
以爲書來書云處世得安穩無病粗衣飽飯不作  
冤業乃爲至足二復斯言感歎無窮世人所作舉  
足動念無非成業不必刑殺無罪取非其有然後  
爲冤業也無緣面論以當一笑而已

○答參寥書

淨慧琳老及諸僧知因見致懇知爲默禱於佛令亟  
還中州甚荷至意自揣省事以來亦粗爲知道者  
但道心數起數爲世樂所移奪恐是諸佛知其難  
化故以萬里之行相調伏耳少游不知其不了此  
境但得他老兒不動懷其餘不足云也

終

知一  
作憂

新刻東坡禪喜集卷之八

○禪喜紀事第八

蘇子由謫高安雲庵時時相過有聰禪師亦蜀人一  
夕雲庵夢同子由聰迂五祖戒禪師既覺語子由  
而聰亦至子由曰方與洞山說夢子今來同說夢  
乎聰曰夜來夢吾三人迎戒和尚子由曰世間果  
有同夢者久之東坡書至曰已至奉新旦夕相見  
三人喜出城而坡至則以語坡坡曰軾七八歲常  
夢是僧又先妣方孕時夢一僧來托宿及謫英州  
雲居佛印遺書至南昌坡引紙大書曰戒和尚又

庵一  
作安



常一作常

錯脫也。後監玉局觀作偈答南華長老曰：惡業相纏四十年，常行八棒十二禪。卻著衲衣歸玉局，自疑身是五通仙。冷齋夜話

蘇子瞻九日尋臻閣黎，遂泛小舟至慧勤書院。詩云：白髮長嫌歲月侵，病眸兼怕酒杯深。南屏老宿間相訪，東閣郎君懶重尋。試碾露芽烹白雪，休拈霜蕊嚼黃金。扁舟又載平湖去，欲訪孤山支道林。西湖游覽志餘

有室曰楞伽，宋太子少保張安道自翰林學士出守滁州，一日入琅琊山藏院呼梯梯梁得木匣發而

視之，乃楞伽經也。恍然覺其前身益知藏僧也。寫楞伽經未終而化，安道續書殘軸，筆跡宛然如昔。元豐末，東坡居士蘇軾過南都，安道出此經授軾，且以錢二十萬使鏤板，印施於江淮間。軾曰：此經在他人猶為希世之寶，況於公乎？請家藏為子孫無窮之福。金山龍遊寺主僧了元謂軾曰：印施有盡書而刻之，則無盡矣。軾乃置金山，元請代書之。使侍者曉機走錢塘，求善工鏤板，流傳四方。苴道丙子，主僧寶印即軾寫經處，扁曰楞伽室。說郛戴埴風篁蕭瑟多蒼筤，篠蕩風韻淒清。至此林空澗沈迴。



東坡志林 卷八  
出塵末流宗活活自龍井而下四時不絕嶺故叢  
薄荒密元豐中僧辨才卒治潔楚名曰風篁蘇子  
瞻訪辨才龍井送至嶺上左右驚曰遠公過虎溪  
矣辨才笑曰杜子有云與子成一老來往亦風流  
遂作亭嶺上名曰過溪亦曰二老子瞻紀之詩云  
日月轉雙轂古今同一丘惟此鶴骨老凜然不知  
秋太住兩無礙人士爭挽留太如龍出水雷雨捲  
潭湫來如珠還浦魚鱉爭駢頭此生暫寄寓常恐  
名實浮我比陶令媿師爲遠公優送我過虎谿溪  
水當逆流聊使此山人永記一老游太千在掌握

寧有離別憂 田汝成

東坡在惠州時其家居江浙以地遠無人致書爲憂  
有道人卓契順者慨然嘆曰惠州不在天上行即  
到矣因請書以行佛印因致書云常讀退之送李  
愿歸盤谷序愿不遇知于主上者猶能坐茂樹以  
終日子瞻中大科登金門上玉堂遠放寂寞之濱  
權臣忌子瞻爲宰相耳人生一世間如白駒之過  
隙二三十年功名富貴轉盼成空何不一筆句斷  
尋取自家本來面目萬劫常住永無墮落縱未得  
到如來地亦可以驂駕鸞鶴翱翔三嶋爲不死人



何乃膠柱守株待入惡趣昔有問師佛法在甚麼處師云在行住坐臥處著不吃飯處痢屎撒溺處沒理沒會處死活不得處子瞻胸中有萬卷書下筆無一點塵到這地位不知性命所在一生聰明要做甚麼三世佛則是一個有血性的漢子子瞻若能腳下承當把三二十年富貴功名賤如泥土努力向前珍重珍重錢世昭昭

哲宗問左右蘇軾觀朝章者何服對曰道衣南行時帶一軸彌陀曰此軾生西方公搃也唾玉集

子由誦楞嚴經悟一解六心之義自言於此道更無

礙然其作風痺詩乃有數盡吾則行未應墮冥漠之句則於理尚有礙也而東坡乃謂子由聞道先我何耶東坡奉新別子由詩云何以解我憂粗了六一事大笑遯兒詩云中年忝聞道夢幻講以詳故贈錢道人詩云昔者斷故應無斷者冰消那復有冰知主人苦苦命儂認認王人人竟是誰又云有主還須更有賓不如無鏡自無塵只從半夜心安後失卻當年覺痛人贈東林總長老詩云溪聲便是廣長舌山色豈非清淨身夜來八萬四千傷他日如何舉似人如此善句雖宿老衲不能屈也詩話總龜



東坡元豐末年得請歸耕陽羨舟次瓜步以書抵金山了元禪師曰不必出山當學趙州三等接人元得書經來東坡迎笑問之以偈爲獻曰趙州當日少謙光不出山門見趙王爭似金山無量相大千都是一禪床東坡拊掌稱善詩話總龜

東坡求龍井辨才師塔碑於黃門書云兄自覺譚佛不如第今此文見欒城後集又天竺海月塔碑以坡與之游故銘云我不識師面知其心中事儒者談佛爲坡公所取惜火失其書翰蘇籀

錢塘西湖壽星寺老僧則廉言先生作郡倅日始與

參寥子同登方丈卽顧謂參寥曰某生平未嘗至此而眼界所視皆若素所經歷者自此上至巖堂嘗有九十二級遣人數之果如其言卽謂參寥子曰某前身山中僧也今日寺僧皆吾法屬耳後每至寺卽解衣盤礴久而始去則廉時爲僧雛侍側每暑月祖露竹陰間細視公背有黑子若星斗狀世人不得見也卽北山君謂顏魯公曰誌金骨記名山籍是也

仲殊嗜蜜思聰嗜琴東坡詩所謂招得琴聰與蜜仲殊者是也仲殊善詞而小調尤勝而訴衷情詠西



湖詠夏景風流蘊藉不減少年然恐非蓮社本色也  
西湖遊覽志餘

雲閣黎者居寶山蘇子佐都遊甯山偶入方丈小院  
聞然有僧隱几低頭讀書與之語漠然不對問其  
鄰僧曰此雲閣黎也不出十五年矣不數月卒蘇  
子再往訪之弟以詩云雲師來甯山一住十五秋  
讀書常閉戶客至不舉頭太半造其室清坐忘百  
憂我初無言說佛亦無對辭今來復扣戶空房但  
颯颯云已滅無餘薪盡火不留卻疑此室中常有  
斯人否所遇孰非夢事過吾何休  
西湖遊覽志餘

蘓子瞻守杭日有妓名琴操頗通佛書解言辭子瞻  
喜之一日遊西湖戲語琴操曰我作長老汝試參  
禪琴操敬諾子瞻問曰何謂湖中景對曰落霞與  
孤鶩齊飛秋水共長天一色何謂景中人對曰裙  
花六幅湘江水髻挽巫山一段雲何謂人中意對  
曰隨他楊學士鬪殺鮑參軍如此究竟何如子瞻  
曰門前冷落車馬稀老大嫁作商人婦琴操言下  
大悟遂削髮爲尼  
西湖遊覽志餘

子瞻在黃州參寥子自錢塘訪之酒中子瞻命官妓  
馬聘聘乞詩于參寥子參寥口占云多謝尊前窈



窈娘好將幽夢惱襄王。禪心已作粘泥絮。不逐春風上下狂。子瞻喜曰：予嘗見柳絮落泥中，謂可入詩料，不意此老收得，可惜也。同上

蘇子瞻嘗謂予曰：釋氏之徒，諸佛教法所繫，不可以庶俗待之。或有事至庭下，則吾徒當以付囑流通，為念與之，闊略可也。張商英

皎然禪師贈吳馬處士詩云：世人不知心是道，只言道在他方妙。還如瞽者望長安，長安在東望西笑。東坡代答曰：寒時便懼熱，熱時風飢漢，那知食藥功。莫怪禪師向西笑，緣師身在長安東。百斛明珠

人間無漏仙，兀兀三盃醉。世上無眼禪，昏昏一覺睡。雖然無交涉，其奈畧相似。相似尚如此，何況真個是。余奉使關西，見邸店壁上書此數句，愛而誦之。故海上作濁醪有妙理賦，曰：嘗因既醉之適，方識此心之正。此老言心之正，與孟子言人之性善，何異。同上

東坡遊廬山至東林，作一偈曰：溪聲便是廣長舌，山色豈非清淨身。夜來八萬四千偈，他日如何舉似人。橫看成嶺側成峰，遠近看山了不同。不識廬山真面目，只緣身在此山中。山谷曰：此老於般若橫



說豎說了無剩語非筆端有口安能吐此不傳之  
妙乎 冷齋夜話

東坡居士過龍光求大竹作肩輿得兩竿時南華珪  
首座方受請爲北山長老乃畱一偈院中待其至  
授之以爲他時語錄中第一問云所得龍光竹兩  
竿持歸嶺上萬人看竹中一滴曹溪水漲起江頭  
十八灘

東坡南遷有侍兒王朝雲請從行坡佳之作詩有序  
云世謂白樂天有鸞駱馬放楊枝詞佳其至老病  
不忍去也然夢得詩云春盡絮飛畱不得隨風好

太落誰家樂天亦曰病輿樂天相伴住音隨樊素  
一時歸則樊素竟去也余有數妾四五年間相繼  
別去獨朝雲隨余南遷因讀樂天詩戲作此贈之  
云不學楊枝別樂天且同通德伴伶玄阿奴絡秀  
方同老天女維摩總解禪經卷藥壚新活計舞衫  
歌扇舊因緣丹成逐我三山去不作巫陽雲雨仙  
蓋紹聖元年十一月也二年七月朝雲卒葬于西  
禪寺松林中直大聖塔和前詩云苗而不秀豈其  
天不使童烏與我玄駐景恨無千歲藥贈行惟有  
小乘禪傷心一念償前債彈指三生斷後緣歸臥

生一  
作聲



竹根無遠近夜濠惟禮塔中仙

予過濟南龍山鎮監稅宋審國出王氏華嚴經解相示曰公之于道可謂至矣予問審國華嚴有八十卷今獨解其一何也審國曰王氏謂我此佛語深妙其餘皆菩薩語爾予曰予藏經取佛語數句置菩薩語中復取菩薩語置佛語中子能識其是非矣曰不能也非獨子不能王氏亦不能予昔在岐下聞沂陽猪肉至美遣人置之使者醉猪夜逸置他猪以償吾不知也而與客食皆大詫以爲非他產所及已而事敗客皆大慚今王氏之嘗未敗耳

昔者買肉媚女歌或因以悟若一念清淨墻壁瓦礫皆說無上法而云佛語深妙菩薩不及豈非夢中語乎審國曰唯唯

東坡云日者王寔王寧見訪寔韓持國少傅之壻也因問持國安否寔寧皆曰自致政尤好觀伎嘗自謂人曰吾已癯老且將聲樂酒色以娛年不爾無以度日東坡曰惟其殘年正不當爾君兄弟至親且舊願爲某傳一語于持國可矣寔寧曰諾坡曰頃有一老人未嘗參禪而雅合禪理歿生之際極爲了然一日置酒大會親友酒闌語衆曰老人卽



東坡志林 卷八  
今且公因攝衣正坐將奄奄然諸子乃遑遽呼號曰大人今日乃與世訣乎願留一言爲教老人曰本欲無言今爲汝懇只且第一五更起諸子未諭曰何也老人曰惟五更可以勾當自家事日出之後欲勾當則不可矣諸子曰家中幸豐何用蚤起舉家諸事皆是自家事也豈有分別老人不然所謂自家事者是歟時將得公者吾平生治生今日就化可將何者公諸子頗悟今持國果自以謂殘年請一君言與持國但言某請持國勾當自家事與其勞心聲酒不若爲可以歿時將公者計也坡

又曰范景仁平生不好佛晚年清慎減節嗜慾一物不芥蒂于心真卻是學佛作家然至歿常不取佛法某謂景仁雖不學佛而達佛理雖毀佛罵祖亦不害也

東坡泛穎詩散爲百東坡頃刻復在茲劉涓溪謂本傳燈錄按傳燈錄良价禪師因過水觀影而悟有偈云切忌從他覓迢迢與我疎我今獨自往處處得逢渠渠今正是我我今不是渠丹鉛總錄

蘓東坡自謂竄逐海上太公地稍近心頗憂之願學壽禪師放生以證善果敬以亡母蜀郡太君程氏



遺雷簪珥盡買放生以薦父母冥福其子邁在東坡之側見所買放生盈軒蔽地或掉尾乞命或悚翅哀鳴邁憐悲其意亟請放之旁有侍妾名朝雲見邁衣衿有蠕動視之乃蟲也妾遽以指爪隕其命東坡訓之曰聖人言近取諸身遠取諸物我今遠取諸物以放之汝今近取諸身以殺之耶妾曰奈醫我何東坡曰是汝氣體感召而生者不可罪彼要當捨而放之可也今人殺害禽魚之命是豈禽魚嚙人耶妾大悟自後罕茹腥物多食蔬菜而巳東坡舅氏訟之曰心卽是佛不在斷肉東坡曰

不可作如是言小人女子難感易流幸其作如是相有何不可頓音軟細蟲動貌也

黃魯直謂子瞻曰鳥之將死其鳴也哀某適到市橋見生鶯繫足在地鳴叫不已得非哀祈于我耶子瞻曰某昨日買十鳩中有四活卽放之餘者幸作一盃羹今日吾家嘗膳買魚數斤以水養之活者放而救渠命殪者烹而悅吾口雖腥羶之慾未能盡斷且一時從權爾魯直曰吾兄從權之說善哉魯直因作頌曰

我肉衆生肉名殊體不殊元同一種性只是別形



軀苦惱從他受肥甘爲我須莫教閻老判自端看  
何如

子瞻聞斯語愀然歎曰我猶未免食肉安知不被閻  
老之責乎黃魯直

子由在筠作東軒記或戲之爲東軒長老其婿曹煥  
往筠余作一絕句送曹以戲子由曹過廬山出以  
示圓通慎長老慎欣然亦作一絕送客出門歸入  
室跌坐化太子由聞之乃作一絕一以答予一以  
答慎明年余過圓通始得其詳乃追次慎韻  
君到高安幾日回一時得數舊塵埃贈君一籠牢

收取盛取東軒長老來余送曹詩

東軒長老未相逢已見黃州一信通何必揚眉  
目擊須知千里事同風慎和余詩

東軒只似虛空樣何處人家籠解盛縱使盛來無  
處著雪堂自有老師兄子由答余詩

擔頭挑得黃州籠行過圓通一笑開卻到山前人  
已寂亦無一物可擔回子由答慎詩

太士何曾有生處小儒底處覓窮通偶畱一峽千  
山上散作人間萬竅風余和慎詩

舊說房琯開元中嘗宰盧氏與道士邢和璞出游過



夏口邨入廢佛寺坐松下和璞使人鑿地得甕中所藏姜師德與永禪師畫謂瑄曰頗憶此耶瑄因悵然悟前生之爲永師也故人柳子玉審此畫云是唐本宋復古所臨者元祐六年三月十九日予自杭州還朝宿吳松江夢長老仲殊挾琴過予彈之有異聲就視琴頗損而有十三絃予方歎惜不已殊曰雖損尚可脩曰柰十三絃何殊不答誦詩云度數形名本偶然破琴今有十三絃此生若遇邢和璞方信秦箏是响泉予夢中了然識其所謂既覺而忘之明日晝寢復夢殊來理前語再誦其

詩方驚覺而殊適至意其非夢也問之殊蓋不知是歲六月見子玉之子子文京師求得其畫乃作詩并書所夢其上子玉名瑾善作詩及行草書復古名迺畫山水草木蓋絕妙一時仲殊本書生棄家學佛通脫無所著皆奇士也

破琴雖未修中有琴意足誰云十三絃音節如佩玉新琴空高張絲聲不附木宛然七絃箏動與世好逐陋矣房次律因循墮流俗懸知董庭蘭不識無絃曲破琴詩引



新刻東坡禪喜集卷之八終

新刻東坡禪喜集卷之九

佛印問答語錄第九

○佛印爲僧

佛印禪師法名了元饒州人未爲僧日乃儒家流書無不讀滑稽應對當時無出其右者與東坡厚善會飲必相諧謔在宋神廟朝因禱旱乃詔在京洛僧入內脩設道場演經說法東坡乃戲謂佛印曰君素喜釋教竊聞詔僧供奉盍不冒侍者之名入觀盛事佛印信之既入上適見之狀貌魁偉遂賜披剃佛印不得已而順受實非本意亦頗銜恨後



東坡宴而戲之曰向嘗與公談及昔人詩云時聞啄木鳥疑是叩門僧又云鳥宿池邊樹僧敲月下門未嘗不歎息前輩以僧對鳥無不薄僧之意豈謂今日師親犯之佛印曰所以老僧今日得對學士東坡愈喜其辨捷

○酒令相嘲

東坡與佛印同飲佛印曰敢出一令望納之令曰不慳不富不富不慳轉慳轉富轉富轉慳慳則富富則慳東坡見有譏諷即答曰不毒不禿不禿不毒轉毒轉禿轉禿轉毒毒則禿禿則毒

○澗中取蚌

東坡一日攜宅眷遊西湖因往靈隱適見佛印臨澗掬水怡然忘機坡詰之答曰聞此中有花紋小蚌可愛欲得數枚置之盆池間以供清翫猶恨未獲坡戲之曰佛印水邊尋蚌吃佛印應聲答云子瞻船上帶家來蚌與家二坡頗恨之各分散而去

○題僧詩軸

佛印令一僧每于東坡前言詩公甚鄙之一日僧乃攜詩軸求公為序正所謂持布鼓而過雷門也公戲題之曰大杜下有小杜小杜下偶然傑出非吾



師而誰大杜者杜甫也小杜者乃杜牧之也牧之  
工詩時人謂之小杜杜字與肚同音公以此譏之  
不知獻詩僧爲何物耶

○題像

東坡一日曾爲佛印題真贊云佛相佛相把來倒掛  
只好插醬別一日佛印卻與東坡題云蘓鬚蘓鬚  
比上不足比下有餘蓋以子瞻乃爲薄薄鬚也

○聯松詩

東坡過天竺謁佛印款語間因言窻前兩松昨爲風  
折其一悵悵成一聯竟未得續其後舉以示坡云

龍枝已逐風雷變滅卻虛牕半日涼坡續云天愛  
禪心圓似月故添明月伴清光佛印喜而歌歎服  
不已也

○遊藏春塢

東坡居西山探徐都尉於所居之處面山闢一花園  
廣植奇花異果名做藏春塢時值芳春名花競秀  
盛稱一時東坡同佛印相訪之值徐都尉出外兩  
人不遇洞門鎖鑰無得啓扃俱各悵然見樓頭有  
一女人美貌凭欄凝望東坡遂索筆題一首於門  
上曰我來亭館寂寥寥鎖鎖朱扉不敢敲一點好



東坡雜言 卷九  
春藏不得樓頭半，露杏花梢佛印借東坡韻，又題  
一首云：門掩青春春自饒，未容取次老僧敲。輸他  
蜂蝶無情物，相逐偷香過柳梢。各人題訖，回公忽  
日徐都尉回歸，見所題詩在門，明日乃約二人再  
來，久而不至，因用前韻自作一首云：藏春日日春  
如許，門掩應防俗客敲。準擬款為花下飲，莫教明  
月上花梢。須臾間佛印東坡又至，徐都尉又出公  
家，姬女侍宴，徧賞紅紫，真勝集也。酒各半，醜坡至  
席中贈一詞與姬女，詞名帶人嬌。滿院桃花盡  
是劉郎未見于中夏，一枝纖轆仙家日日笑人間。

春晚濃醉起，驚落亂紅千片。密意難窺，羞容易見  
平白地，爲伊腸斷。問君終日怎安排，心眼須信道  
司空自來見慣。徐都尉既歸，見卽和坡詞付姬歌  
此以勸坡大醉而太徐詞云：○小苑藏春，信道遊  
人未見。花臉嫩，柳腰嬌，輻停觴，緩引正夕陽對晚  
鶯。誤入蹴損海棠花片，只恨春心當時露見。小樓  
外曾勞目斷，燈前料想也飢心飽眼。從此太公帶心  
有人可慣。

○聯句嘲僧

東坡與子由佛印同飲於水閣，偶見一婦人洗衣，脚



白東坡曰玉筋插銀河佛印云紅倍照碧波子由  
大笑詠後二句云再行三五步浸入老僧窠

○遊飛來峰天竺

東坡在杭州與佛印同遊一日過山遇于九里松握  
手縱步坡見一山峰高峻峭即問佛印曰何山佛  
印答云此飛來峰也坡曰何不飛去佛印曰一動  
不如一靜坡曰若欲靜來如何佛印曰既來之則  
安之東坡至一寺門狀璫金剛二尊問佛印曰二  
尊金剛何者爲重佛印曰捻拳者爲尊行至佛殿  
前見有奉佛者齋供羅列香燭具陳東坡復詢問

捏合

曰金剛尊大齋供不及何也佛印云彼司門戶恃  
勢張威降魔護法無預齋供所以時人有詩嘲曰  
張眉弩目挺精神捏合從來假其真剛彼法門借  
權勢不知身自是泥人東坡又上天竺見觀音手  
持串珠又問佛印曰觀音既是佛如何持念珠是  
何意耶佛印曰亦不過佛號耳坡曰念何佛號答  
曰亦只念觀音佛號坡曰他自是觀音如何自誦  
自號未審何謂佛印曰求人不如求己坡復至座  
前致經一卷于其上云呪咀諸毒藥所欲害身者  
念彼觀音力還著于本人東坡喟然難曰佛自仁



心豈有免人之難而害人之命乎是亦太被  
及此與夫不愛者何異也佛印我體佛之意而改  
正之可乎曰呪咀諸毒藥所欲害身者念彼觀音  
力兩家都沒事佛印曰善哉○南海觀音真奇絕  
手持串珠丁百八娘知求已勝求人自念觀世音  
菩薩

○辨蝨

東坡一日與秦少游夜宴忽然得身上蝨謂少游曰  
此垢膩生成少游曰不是綿絮毛污成矣相辨久  
而不決東坡曰明日同問佛印若輸作下宴席酒

散少游私忖佛印處謂佛印曰適與東坡辯蝨來  
歷坡說垢膩我說綿絮毛污生成他來問只說我  
的真當作飢餓會為席少游密囑太忽坡至囑佛  
印曰前與少游辨蝨來歷我說垢膩生他說綿絮  
生等他來只說我是當作冷淘會為席說訖兩下  
到詰辨印曰易曉耳是垢膩成身綿絮為腳先吃  
冷淘後吃飢餓衆大笑

○牛字令

東坡與王介甫設令各人預先言之取其外無可言  
者罰作東佛印曰令中要用二百六十字中間要



牛字成令東坡先曰天下三百六十軍州惟有秦州出金牛王介甫曰一年三百六十日惟有春日打春牛佛印曰身上三百六十骨節惟有丑生人肖牛

○忙令

東坡佛印黃魯直三人飲酒至數盃佛印公小遺坡曰那太印曰忙片時卽至及來坐行一忙令坡曰我有百畝田全無一葉秧夏已相將半問君忙不忙黃魯直曰我有百筐蚕全無一葉桑春已相將半問君忙不忙佛印曰和尚養婆娘相率正上床

夫主門外立問君忙不忙

○急急令

東坡在玉堂置酒宴會與黃魯直佛印三人飲酒數杯東坡行急急令先道令曰急急急穿靴水上立走馬到安邑走馬卻回來靴裡猶未濕爭幾多二三分黃魯直曰急急急連箭射粉牆走馬到南場走馬卻回來箭頭未點牆爭幾多二三尺佛印曰急急急娘子放個屁走馬到西市走馬卻回來孔門猶未閉爭幾多三五寸

○兩意對



東坡之妹少游之妻也。一日妹歸，集宴，因食焙栗，妹謂坡曰：栗破，鳳凰見。借意言內坡思：天下未嘗無對，數日竟未能。佛印來訪，問坡有何者，述坡曰：欲作一對，未能也。因舉前事，佛印應聲曰：藕斷鷺鷥飛。言藕斷節也佛印復曰：正如無山，得似巫山聳。此亦同音兩意。坡即對曰：何葉能如荷葉圓。子由曰：不若云：何水能如河水清。以水對山，最爲的對。

○佳對

東坡與子由夜雨對床，子由曰：嘗見醫術者云：課賣六文內卦，三文外卦，三文思之，亦未易對。一日同

出坡見戲場，有以棒呈戲者，云：棒長八尺，隨身四尺，離身四尺。坡曰：此語正可還前日枕上之對。子由曰：觸機而發，誠佳者也。

○刺字相戲

東坡詆毀一臣變新法，由是獲罪，其平昔所與交游者，一時連坐，謫斥廢職者，不下一二百人。累及佛印，佛印由是獲罪，法加鞭配，有與其厚善者皆至，慰勞且傷其刺字之苦。佛印怡然歎曰：我佛胸題萬字，老僧面帶兩行，佛印後至一州太守，恰之使，健卒二人肩輿以送佛印，戲謂健兒曰：健兒，你背



擡我便是來，領底金剛經面面皆有字，聞者莫不大笑。

○風動教化謎

東坡拾一片細畫，一和尚左手把一柄扇，右手把長柄，籬籠與佛印曰：可商此謎。佛印沈吟良久曰：莫非關雎序中之語與東坡曰：何謂也？佛印曰：風以動之，故以化之，非此意乎？東坡曰：吾師本事也，相與大笑。

○千字文謎

佛印持二百五十錢，示東坡曰：與你商此一箇謎。東

坡思之，少頃謂佛印曰：一錢有四字，二百五十箇錢乃一千箇字，莫是千字文謎乎？佛印笑而不答。

○題墨斗

佛印持匠人墨斗，謂東坡曰：吾有兩間房，一間賃與轉輪王，有時放出一線路，天下邪魔不敢當。東坡答曰：我有一張琴，五條絲絃藏在腹，有時將來馬上彈盡天下無聲曲。

○星宿令

東坡謂佛印起令曰：要頭是曲，名尾是二十八宿。東坡曰：黃鶯兒撲蝴蝶，不著虛張尾翼。佛印應聲答。



日二郎神遶佛殿相稱鬼奎危婁

○題茶詩

佛印題茶詩與東坡曰穿雲摘盡社前春一兩平分  
半與君遇客不須容易點點茶須是吃茶人東坡  
答佛印曰嫩葉馨香兩味過感師遠托隔煙蘿烹  
來一盞精神爽好物元來不用多

○月素撞席

東坡謫官黃州一日佛印來訪居佛印于雪堂而寢  
食焉官妓月素者坡常喜其吟詩凡會席必命至  
焉坡方宴佛印月素適從外來坡問汝來何爲對

曰適過門聞宴客敢來求一杯酒坡曰汝來撥坐  
我作一令汝能還之令與坐要一物不喚自來下  
用兩句詩坡出令曰酒既清殺既馨不喚自來是  
青蠅詩云不識人嫌生處惡撞來筵上敢營營佛  
印即還令曰夜向晚睡思濃不喚自來是蚊蟲詩  
云吃人嘴臉生來慣枵腹貪圖一飲充月素曰只  
將自身還令得否坡曰人亦天地一物爾何害乃  
還令曰綺筵張日將暮不喚自來是月素詩云紅  
裙一醉又何妨未飲便論文與字東坡大喜其以  
已自喻因命入坐同飲焉



○同官行令

東坡在翰林日春宴同官佛印亦居其內中席東坡謂坐客曰某行一令上以二字顛說下用一詩以韻以發其意東坡曰閑似忙蝴蝶雙雙過短牆忙似閑白鷺飢時立小灘王介甫還令曰來似去潮翻巨浪還西注太似來躍馬翻身射箭回秦少游還令曰動似靜萬頃碧潭散審鏡靜似動長橋影逐酒旗送又一客還令曰難似易百尺竿頭呈巧藝易似難執手臨岐話別間佛印還令曰悲似樂送葬之家喧鼓樂樂似悲送女之家日日啼某一

客還令曰有似無仙子乘風游太虛無似有掬水分明月在手永升還令曰貧似富梢水滿船金玉渡富似貧石崇穿得弊衣行其一客還令曰重似輕萬斛雲帆一霎輕輕似重柳絮紛紛鋪畫棟

○借意味物令

東坡又行令借字意味一物名東坡令曰水林檎未是水林檎荷芰翻雨洒鴛鴦恁時方是水林檎少游還令曰清消梨未是清消梨夜半勿勿話別時恁時方是清消梨坐客還令曰清沙瀾未是清沙瀾六幅裙兒畱半片恁時方是清沙瀾一客還令



日紅娘子未是紅娘子凝脂二八誰家女恁時方  
是紅娘子佛印還今日荔枝兒未是荔枝兒永叔  
還今日肉菴蓉未是肉菴蓉暮夜千年朝食龍恁  
時方是肉菴蓉坐客還今日地骨皮未是地骨皮  
萬頃良田買斷時恁時方是地骨皮

○佛印長歌

東坡之妹聰慧過人博學強記尤工爲文有欲以秦  
少游議親者妹索其所業視之曰秦之文粗足以  
敵吾子由之才遂得諾伉儷後東坡在翰林日妹  
在省之約奉來歸適佛印以長歌寄坡有勉其退

休之意坡讀之猶少凝思妹從旁過見之一覽了  
然歎曰使汝作男子名位必在我上坡妹因喜得  
縱觀翰苑未見之書乃遣价報書于秦姑遲其歸  
因錄佛印詩以示秦云

野野	鳥鳥	啼啼	時時	有有	思思	春春
氣氣	桃桃	花花	發發	滿滿	枝枝	鶯鶯
雀雀	相相	呼呼	喚喚	岩岩	畔畔	花花
紅紅	似似	錦錦	屏屏	堪堪	看看	山山
秀秀	麗麗	山山	前前	烟烟	霧霧	起起
青青	浮浮	浪浪	促促	潺潺	浚浚	水水



春春	濃濃	酒酒	似似	醉醉	閑閑	行行
春春	色色	秀秀	時時	常常	共共	飲飲
春春	光光	好好	楊楊	柳柳	枝枝	頭頭
鳥鳥	啼啼	叫叫	不不	休休	爲爲	憶憶
飛飛	來來	到到	落落	花花	林林	裏裏
溪溪	畔畔	草草	青青	雙雙	翩翩	蝶蝶
銀銀	花花	折折	最最	好好	柔柔	茸茸
光光	皎皎	潔潔	玲玲	瓏瓏	似似	墜墜
傍傍	水水	花花	似似	雪雪	梨梨	花花
景景	幽幽	澗澗	處處	好好	追追	遊遊

春春	色色	裏裏	相相	逢逢	兢兢	憶憶
遊遊	山山	水水	心心	息息	悠悠	歸歸
忒忒	來來	休休	役役			

秦回書外即答短歌云示及梵僧歌詞重而意復字  
 字作聯珠行行如貫玉想汝直一覽顧我勞三復  
 裁詩思遠寄因以其類觸汝其審思之安表予心  
 曲

并疊字詩一首 別離時詞  
 靜

東坡雜言 卷九 海驪阻久每彈



秦之書信既到值坡與妹因遊湖上得秦詩且會其  
意因觀物用其体成採蓮歌云

闕新歌聲漱玉

採蓮疊字詩

一

採

律揚樂在人

東坡亦即此成歌云

力微醺時已暮

東坡疊字詩

賦

賞

飛如馬太歸花

○字意成詩

北虜使至每以能詩自矜朝廷議以東坡管伴之使  
苦索賦詩坡曰賦詩易事觀詩稍難耳因出長亭  
詩以示之

亭景畫老畫節

具雲暮思難峯

右連環疊字詩今逐一明解于下

○佛印長歌正文

野鳥啼 野鳥啼時時有思 有思春氣桃花發  
春氣桃花發滿枝 滿枝鶯雀相呼喚 鶯雀相呼



喚岩畔 岩畔花紅似錦屏 花紅似錦屏 堪看  
堪看山 山秀麗 秀麗山前烟霧起 山前烟霧  
起青浮 青浮浪促潺湲水 浪促潺湲水 景幽  
景幽深處好追遊 深處好追遊 俯水花  
花似雪 似雪梨花光皎潔 梨花光皎潔 玲瓏  
玲瓏似墜銀花折 似墜銀花折 最好柔茸  
溪畔草 柔茸溪畔草 青青 雙雙蝴蝶飛來到  
蝴蝶飛來到 落花林裏鳥啼叫 林裏鳥啼  
叫不休 不休爲憶春光好 爲憶春光好 楊柳  
楊柳枝頭春色秀 枝頭春色秀 時常共飲

春濃酒 共飲春濃酒 似醉 似醉閑行春色裏  
閑行春色裏 相逢 相逢 兢憶遊山水 兢憶遊山  
水 心息 心息 悠悠歸客來 歸客來 休休役役

○少游疊字詩

靜思伊久阻歸期 久阻歸期憶別離 憶別離時  
聞漏轉 時聞漏轉靜思伊

○坡妹採蓮詩

採蓮人在綠楊津 在綠楊津一闋新 一闋新歌  
聲漱玉 歌聲漱玉採蓮人

○東坡詩



賞花歸太馬如飛 太馬如飛酒力微 酒力微醺  
時已暮 醺時已暮賞花歸

○長亭詩

長亭短景無人畫 老大橫拖瘦竹筇 回首斷雲  
斜日暮 曲江倒蘸小山峰

○取笑行者

東坡與佛印最厚一日太訪佛印語言投合不覺坐  
久東坡倉皇登廁有一行者會意便隨後送些茅  
紙與之東坡喜其會事次日以本度牒捨與披剃  
一寺僧看駭然纔知其因

坡又訪佛印因而再至廁所深行者喧闐廁中各  
將茅紙進前東坡在廁所聞外面嘈雜作聲遂問  
其故左右以實對東坡笑曰行者們自太腹上增  
脩了以明字不可專靠那屙屎處以腹字

○四物令

東坡與佛印同飲要行一令即一處有四物或潔淨  
或醜醜不許差韻東坡曰美姬房象牙床玻璃盞  
百合香佛印曰推猪水瘰癧腿嬾人陰鬍子嘴

○鳩鹵對

東坡與佛印同飲偶一班鳩在上啼叫坡出對云班



鳩無禮老僧頭上叫姑姑佛印答曰白蟲有情小  
姐胸前叮奶奶

○燒豬詩

東坡喜食燒豬佛印住金山時每燒豬以待其來一  
日爲人竊食東坡戲作小詩云遠公沽酒飲陶潛  
佛印燒豬待子瞻採得百花成蜜後不知辛苦爲  
誰甜

○東坡輸玉帶

師民瞻詩註云佛印住持潤州金山寺東坡赴杭過  
潤爲留數月一日佛印挂單與弟子入室東坡便

服入方丈見之佛印云內翰何來此間無坐處公  
戲云暫借和尚四大用作禪床佛印曰山僧有一  
轉語內翰言下卽答當從所請如稍涉擬議所繫  
玉帶願畱以鎮山門東坡許之便解玉帶置几上  
佛印云山僧四大本無五蘊非有內翰欲于何處  
坐公議擬未卽答佛印急呼侍者云收此玉帶永  
鎮山門東坡笑而與之佛印遂取衲裙相報因有  
二絕東坡次韻答之余嘗聞廣漢天寧秦長老話  
其事秦云是時在金山掛塔日擊公與元老問答  
如此余故敘於題下使後人知其本末云



病骨難堪玉帶圍鈍根仍落箭鋒機欲教乞食歌姬

院故與雲山舊衲衣

冷齋夜話云先生悟其前生為戒禪師常衲衣故云北

夢鎖言云裴休常披毳納於歌姬院持鉢乞食以為不為俗情所得可以說法為人

又云此帶閱人如傳舍流傳到我亦悠哉錦袍錯落

真相稱乞與狎狂老萬回

傳燈錄云萬回法雲公者號州人也姓張氏唐

貞觀六年五月生師八九歲時言其兄成安西師持信朝往夕返萬餘里故號萬回唐武后賜以錦袍毛帶

○取茶回乏

東坡差人往虎丘戴紳坐門檻上以見佛印佛印曰

上艸中人下木大人來取茶也回太稟大人臍下

撇一筆乏字也

○雕木人

東坡佛印同遊湖坡令人把木雕兩箇人頭一僧一

婦放在水中叫手下撈起謂佛印又是你逼奸該

問罪印曰大人聽訴耐蘇州雕刻匠一塊木頭

雕兩樣一個是蘇太守夫人一箇是佛印和尚

○夫人對

佛印訪東坡偶值出外蘇夫人臥于紗帳中佛印出

對曰綠紗帳裡睡佳人煙籠芍藥夫人聞之對曰

青艸池邊洗和尚水浸葫蘆佛印笑曰和尚得對



佳人寔出望外

○數目令

東坡山谷佛印同飲坡與谷密約止買肉二片行一令以困佛印乃謂印曰要說數目令能者方許食肉坡先言曰二八一十六且吃一塊肉遂取一片食之山谷曰二九一十八兩片一齊夾遂取二片食之止遺醋一碟佛印還令曰貧僧不識數且吃一碟醋

○馬上談

蘇東坡與佛印出城遊行佛印謂坡曰你在馬上十

分好一似一尊佛也坡答曰你穿一領玉衆裝在馬上好似一堆太牛屎也印云我口出佛你口出屎隨從人呵呵大笑笑談



新刻東坡禪喜集卷之九終

跋東坡禪喜後

子瞻廬山偈云溪聲便是廣長舌山  
色豈能清淨身說者謂子瞻猶是門  
外漢无山无水時全身跳入黑茫茫  
地大氏禪為生死不為文字生死之  
根於瞥起初念瞥起一念若使如  
蟻赴齧如蚕噴鐵心踏既斷生死冰  
消故一切老胡痛棒熱喝總向人生



死初根一齊斬截到此方云盡大地  
是箇悟門者一切微塵所轉法輪此  
何以故於瞥起處心跡不行則草木  
瓦石無非大善知識州搖木動瓦雜  
石鳴無非老胡痛棒熱喝如是者是  
名真禪喜子瞻平日熟於荀孟孫吳  
魁遇此謫落窮鄉遂以內典為擯  
愁捐痛之物浸淫久之斐然有得唐

有年山宋有子瞻其風流往來相形  
而身借禪以為文章二公之差去不  
遠象山云外以儒行修其身內以釋  
教汰其心旁以琴酒山水詩歌樂其  
志則分明一眉山之老人而已子瞻  
於生死二字雖不能與維摩龐蘊爭  
一線然其譚笑輕安坦然而化如其  
為文章則鋪禪之糟而因茹其華者



壽一作喜

多也徐長孺彙集成編余故壽而刻  
之使天下老居士有生死心者披洪  
卷或士大夫熱鬧中欲乞清涼扇子  
不妨向子瞻案前燒一瓣香其或心  
力勇猛不願作文字禪者則請寘之  
毋以不肖為我

心室居士唐文獻書



